

VENDIM
Nr. 537, datë 6.8.2014

PËR DISA NDRYSHIME DHE SHTESA NË VENDIMIN NR. 545, DATË 11.8.2011, TË KËSHILLIT TË MINISTRAVE, “PËR MIRATIMIN E STRUKTURËS DHE TË NIVELEVE TË PAGAVE TË NËPUNËSVE CIVILË/NËPUNËSVE, ZËVENDËSMINISTRIT DHE NËPUNËSVE TË KABINETEVE, NË KRYEMINISTRI, APARATET E MINISTRIVE TË LINJËS, ADMINISTRATËN E PRESIDENTIT, KUVENDIT, KOMISIONIT QENDROR TË ZGJEDHJEVE, PROKURORINË E PËRGJITHSHME, DISA INSTITUCIONE TË PAVARURA, INSTITUCIONET NË VARËSI TË KRYEMINISTRIT, INSTITUCIONET NË VARËSI TË MINISTRAVE TË LINJËS DHE ADMINISTRATËN E PREFEKTIT”, TË NDRYSHUAR

Në mbështetje të nenit 100 të Kushtetutës, të nenit 4/2, të ligjit nr. 10405, datë 24.3.2011, “Për kompetencat për caktimin e pagave dhe të shpërblimeve”, të nenit 7, të ligjit nr. 152/2013, “Për nëpunësin civil”, të ligjit nr. 9584, datë 17.7.2006, “Për pagat, strukturat dhe shpërblimet e institucioneve të pavarura kushtetuese dhe institucioneve të tjera të pavarura të krijuara me ligj”, dhe të ligjit nr. 185/2013, “Për buxhetin e vitit 2014”, me propozimin e ministrit të Punëve të Brendshme, të ministrit të Shtetit për Inovacionin dhe Administratën Publike dhe të ministrit të Financave, Këshilli i Ministrave

VENDOSI:

1. Në vendimin nr. 545, datë 11.8.2011, të Këshillit të Ministrave, të ndryshuar, të bëhen këto ndryshime dhe shtesa:

a) Në pikën 1, emërtesa “Këshilli Kombëtar i Radios dhe Televizionit”, zëvendësohet me “Autoriteti i Mediave Audiovizive”.

b) Në fund të pikës 1/2, shtohet emërtesa “Sekretariati Teknik i Këshillit Kombëtar të Ujit”.

c) Në lidhjen nr. 3, që përmendet në pikën 3, bëhen këto ndryshime:

i) Emërtesa “Këshilli Kombëtar i Radios dhe Televizionit”, zëvendësohet me “Autoriteti i Mediave Audiovizive”.

ii) Në ndarjen “Autoriteti i Mediave Audiovizive” shtohen emërtesat, si vijon:

“- Kryetar i Këshillit të Ankesave – II-b;”

- Anëtar i Këshillit të Ankesave” – III-a”.

ç) Pas pikës 9 shtohet pika 9/1, me këtë përmbajtje:

“9/1. Kategoritë e pagave të pozicioneve të punës së nëpunësve për emërtesat “Specialist” deri në “Titullar i institucionit” në Sekretariatit Teknik të Këshillit Kombëtar të Ujit, janë sipas lidhjes nr. 5/4, që i bashkëlidhet këtij vendimi dhe është pjesë përbërëse e tij.”.

d) Lidhja nr. 9, që përmendet në pikën 13, zëvendësohet me lidhjen me të njëjtin numër dhe emërtim, që i bashkëlidhet këtij vendimi dhe është pjesë përbërëse e tij.

2. Efektet financiare që rrjedhin nga zbatimi i këtij vendimi, për vitin 2014, të përballohen nga fondet e miratuara për secilin institucion për vitin 2014.

Ky vendim hyn në fuqi pas botimit në Fletoren Zyrtare dhe, për Sekretariatit e Këshillit Kombëtar të Ujit, i shtrin efektet financiare nga momenti i emërimit të nëpunësve.

KRYEMINISTRI
Edi Rama

Kategoritë e pagave të pozicioneve të punës së nëpunësve për emërtesat “Specialist” deri në “Titullar institucioni” në Sekretariatën Teknik të Këshillit Kombëtar të Ujit

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PËRKATËS TË PUNËS PAGA E GRUPIT
Titullar i institucionit	I-b	1
Drejtor Drejtorie	II-b	1
Përgjegjës Sektori	III-a/1	1
Specialist	III-b	1 ose 2

Kategoritë e pagave të nëpunësve në institucionet rajonale/vendore, në varësi të Këshillit të Ministrave/Kryeministrit, ministrave të linjës, të institucioneve rajonale/vendore në varësi të institucioneve të përcaktuara në pikën 1, të institucioneve vendore në varësi të institucioneve rajonale, të punonjësve që kryejnë funksione të deleguara të pushtetit qendror në pushtetin vendor, të Bordeve të Kullimit, të Komisioneve Vendore të Shqyrtimit të Vlefshmërisë Ligjore të Krijimit të Titujve të Pronësisë mbi Tokën Bujqësore, pranë Prefektit të Qarkut

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PËRKATËS TË PUNËS PAGA E GRUPIT
Titullar i institucionit rajonal Kryetar i Zyrës së Përmbarimit Drejtor i Zyrës Vendore të Shërbimit të Provës Drejtor i Drejtorisë së Bujqësisë Përgjegjës i degëve të thesarit në qendër qarku Përgjegjës Seksioni në Seksionet e Administrimit dhe të Mbrojtjes së Tokës në Qarqe Kryeinspektor në Inspektoratet e Mbrojtjes së Tokës në Qarqe	III-b	1
Titullar i institucionit vendor Përgjegjës i zyrës rajonale Përgjegjës Sektori në institucionet rajonale Përgjegjës Sektori në Drejtorinë e Bujqësisë Përgjegjës Sektori në Degën e Thesarit Tiranë Përgjegjës të degëve vendore të thesarit Përgjegjës i zyrës së gjendjes civile në bashki (si funksion i deleguar) Përgjegjës i gjendjes civile pranë prefektit	IV-a	1
Përmbarues Gjyqësor në Zyrat e Përmbarimit Gjyqësor Specialist në Zyrën Vendore të Shërbimit të Provës Specialist në degët rajonale të Agjencisë Kombëtare të Bregdetit Inspektor të sistemit të Ministrisë së Bujqësisë	IV-a	1 ose 2 ose 3
Përgjegjës Sektori i institucionit vendor Përgjegjës i zyrës së gjendjes civile në komuna (si funksion i deleguar)	IV-b	1

Specialist i zyrës së gjendjes civile në bashki (si funksion i deleguar) Specialist në Drejtoritë e Bujqësisë Specialist i gjendjes civile pranë prefektit Specialist në institucionet rajonale Restaurator arti Arkitekt Inspektor në Inspektoratin e Mbrojtjes së Tokës në Qarqe Specialist në degët e thesarit Inspektor pune Inspektor në Inspektoratin Shtetëror Shëndetësor në nivel rajonal Inspektor në Inspektoratin Shtetëror të Mjedisit, Pyjeve dhe Ujërave Specialist në zyrën vendore të Shërbimit të Provës	IV-b	1 ose 2 ose 3
Specialist në institucionet vendore Specialist i zyrës së gjendjes civile në komuna (si funksion i deleguar) Restaurator Instruktor Piktor Kontrollor pune Specialist në zyrën vendore të Shërbimit të Provës	IV-c	1 ose 2 ose 3